

Na osnovu člana 55. člana Zakona o sportu Unsko-sanskog kantona ("Sl. glasnik USK" broj: 15/10 od 30.9.2010.g.) i člana 19. alineja 7. Statuta Sportskog saveza općine Bosanska Krupa, Upravni odbor Sportskog saveza općine Bos. Krupa na sjednici održanoj 06.02.2020.g. donio je

## **PRAVILNIK**

o raspodjeli sredstava sporta Sportskog saveza općine Bosanska Krupa za 2020. godinu

### **I – OPĆE ODREDBE**

#### Član 1.

Ovim Pravilnikom utvrđuju se opći i posebni kriteriji na osnovu kojih će se vršiti raspodjela sredstava utvrđenih finansijskim planom Sportskog saveza općine Bos. Krupa za oblast sporta, a koja su namijenjena od Budžeta općine Bos. Krupa, Budžeta Sportskog saveza USK kao izvorni prihodi Saveza i drugih izvora koji su namijenjeni sportu u cjelini i isti se primjenjuje za budžetsku 2020. godinu.

Pravilnikom se reguliraju korisnici finansijskih sredstava, kriteriji raspodjele, dokumentacija, izvještavanje, sankcije i završne odredbe. Učesnici u procesu prijavljivanja za sredstva namijenjenih sportu dužni su uz zahtjev priložiti dokumente o zadovoljenju općih i posebnim kriterija reguliranih ovim Pravilnikom.

#### Član 2.

U skladu sa Zakonom o sportu USK na području kantona utvrđeni su osnovni principi i javni interesi Skupštine USK i 8 općina za oblast sporta (članovi: 4. i 5. Zakona), na osnovu kojih se donose godišnji programi i planovi i utvrđuju finansijska sredstva za sufinansiranje razvoja oblasti sporta, kako u općinama, tako i u USK.

#### Član 3.

Potrebe i javni interesi društva u oblasti sporta u smislu ovog Zakona o sportu su:

1. Ostvarivanje vrhunskih sportskih rezultata putem sportova i sportskih takmičenja kao što su: općinska, kantonalna, državna i međunarodna takmičenja i prvenstva, kako u ekipnim sportskim igrama, tako i u individualnim sportovima, učešće u pripremama sportskih talenata i vrhunskih sportista za ova takmičenja (kantonalnih i državnih reprezentacija i selekcija).
2. Stručno-razvojni poslovi praćenja tjelesne sposobnosti djece, omladine i drugih lica - građana putem organizovanog bavljenja sportskim aktivnostima (rad u klubovima, društvima, udruženjima, sportskim školama i dr.) uz učešće istih na raznim nivoima i rangovima sportsko-takmičarskih liga i sportskih takmičenja (općine, kanton, Federacija BiH i država BiH).
3. Usavršavanje sportskog podmlatka putem školskog sporta i drugih oblika dječjeg i omladinskog sporta, a odnose se na oblike kao što su: sportske škole mladih, sportske sekcije, sportska takmičenja i turniri u okviru škole, općine, kantona i države.
4. Razvoj sportske rekreacije građana i omladine i održavanje tradicionalnih sportskih manifestacija i takmičenja po sportovima.
5. Razvoj sportske rekreacije i takmičenja invalidnih lica u okviru invalidnog sporta.
6. Održavanje, obnova i izgradnja sportskih objekata od interesa za općinu, nabavka sportske opreme i rekvizita, iznajmljivanje sportskih dvorana i slobodnih površina, stručno usavršavanje kadrova, zdravstvena zaštita sportista i sl.

#### Član 4.

Financiranje sporta općine regulirano je članovima 53. 54. Zakona o sportu USK ("Sl. glasnik USK" broj: 15/10 od 30.9.2010.g.), kojim se finansijska sredstva utvrđuju namjenski za potrebe i interese sporta općine (naznačenim u članu 3. ovog Pravilnika) i obezbjeđuju se izvornim prihodima iz Budžeta općine Bos. Krupa i Sportskog saveza USK, o čemu se donose zvanične odluke ovih organa.

Planski utvrđena sredstva Saveza koja se obezbjeđuju iz Budžeta općine i SS USK kao izvorni prihodi, raspoređuju se Finansijskim planom Saveza na sljedeće stavke:

1. Sufinanciranje programa takmičarskog sporta mladih i ostalih uzrasta koji realizuju sportske organizacije (klubovi, društva i udruženja) registrirani u skladu sa zakonom na području općine Bos. Krupa, a članice su Sportskog saveza općine Bos. Krupa.
2. Sufinanciranje programa razvoja školskog sporta u kojem učestvuju učenici osnovnih i srednjih škola (nosioci: Društvo pedagoga tjelesne kulture i škole).
3. Sufinanciranje programa razvoja sportova lica sa invaliditetom – invalidna lica (nosioci: sportska udruženja - "SSRI-511" i drugi).
4. Sufinanciranje programa sportske rekreacije građana svih uzrasta i spolova.
5. Sufinanciranje masovnih programa sportskih omladinskih škola u različitim sportovima, čiji su nosioci sportska udruženja, društva, klubovi, nevladine i druge organizacije.
6. Sufinanciranje programa tradicionalnih sportskih manifestacija i takmičenja od značaja za općinu, kanton, državu i šire, koje se održavaju svake godine u kontinuitetu (nosioci: sportski savezi, društva, sportski klubovi i udruženja putem zajedničkih organizacionih odbora).
7. Sufinanciranje programa i projekata stručnog usavršavanja kadrova u sportu i zdravstvene zaštite sportista (nosioci: Sportski savez, Društvo pedagoga tjelesne kulture, zdravstvene ustanove i druge organizacije).
8. Sufinanciranje sportskih talenata u okviru programa razvoja vrhunskog - takmičarskog sporta mladih (talentirani sportisti selektirani za općinsku, kantonalnu i državnu reprezentaciju, te učešća i uspjesi na međunarodnim sportskim takmičenjima (balkanska prvenstva, Mediteranske igre, evropska prvenstva i KUP-ovi, svjetska prvenstva i KUP-ovi i Olimpijske igre).
9. Sufinanciranje projekata izgradnje, dogradnje i održavanja postojećih i novih sportskih objekata i terena, koji su od interesa za općinu, kanton i šire (nosioci: sportski klubovi i udruženja na koje je odlukom Općinskog vijeća preneseno suvlasništvo nad sportskim objektima i terenima i način njihovog korištenja i održavanja).
10. Financiranje organa Sportskog saveza općine (Stručna služba Saveza, Upravni odbor, komisije, organizacioni odbori i druga radna tijela) za rad kancelarije Saveza, plaće i druge naknade zaposlenih u Savezu i drugih izdataka.
11. Izdvajanje sredstava u Rezervni fond, koja će se usmjeravati za sufinansiranje vanrednih programa i projekata.

#### Član 5.

Sredstva za utvrđene namjene iz člana 4. ovog Pravilnika utvrđuje i raspoređuje Upravni odbor Sportskog saveza općine Bos. Krupa donošenjem Finansijskog plana za plansku godinu za koji suglasnost daje Skupština Sportskog saveza općine Bos. Krupa na prvoj redovnoj sjednici u tekućoj godini.

## II – FINANSIRANJE DJELATNOSTI SPORTA U OPĆINI BOSANSKA KRUPA

#### Član 6.

Ukupni prihodi Sportskog saveza, utvrđeni Finansijskim planom za 2019. godinu u stavkama rashoda raspoređuju se na tri osnovna područja sporta sa utvrđenim procentima finansiranja i to:

#### **A – Finansiranje tekućih izdataka organa Sportskog saveza općine Bos. Krupa**

(Skupština, Upravni odbor, Stručna služba, komisije i odbori)

- |  |       |
|--|-------|
| 1. Izdaci za bruto plaće, topli obrok, regres i druge naknade 1 zaposlenika.   | (12%) |
| 2. Izdaci za troškove nabavke kancelarijskog materijala, opreme i rekvizita, troškovi raznih usluga (knjigovodstvo, struja, voda, pošta, telefon, banke, čišćenje i sl.) | (3 %) |

**Procent izdvajanja za ove namjene iznosi (15%)**

#### **B – Tekuća rezerva**

(izdvojena sredstva u rezervni fond Sportskog saveza općine Bos. Krupa)

- Ovo su sredstva kojima po odluci Upravnog odbora raspoložuje i odlučuje o njihovoj raspodjeli predsjednik Saveza, a ista su namijenjena za vanredne troškove i aktivnosti Saveza i njegovih organa.

**Procent izdvajanja za ove namjene iznosi 1%**

### **C – Izdaci za sufinansiranje razvoja oblasti sporta – grant sporta općine Bosanska Krupa**

U analitičkoj razradi to su izdaci za sufinansiranje programa sportskih organizacija (klubova, društava i udruženja) za razvoj pojedinih područja u oblasti sporta utvrđenih u članovima 53. 54. i 55. Zakona o sportu USK.

**Procent izdvajanja za ove namjene iznosi 84%**

#### **Analitička razrada sufinansiranja oblasti sporta dijeli se na četiri osnovna područja i to:**

1. Sufinansiranje programa sportskih organizacija za razvoj i unapređenje takmičarskog sporta mladih i ostalih građana po sportovima (kategorije seniora, juniora, kadeta i pionira)
2. Sufinansiranja programa razvoja sportske rekreacije i masovnog sporta
3. Podsticajna sredstva za sufinansiranje programa sportske infrastrukture (izdaci za održavanje i manje opravke sportskih terena sa nabavkom sportske opreme ili rekvizita i sl.)
4. Podsticajna sredstva za sufinansiranje programa razvoja vrhunskog reprezentativnog sporta, programe stručnog usavršavanja kadrova te sufinansiranje projekata viših nivoa sportskih takmičenja (federalna, državna i međunarodna)
5. Podsticajna sredstva za zdravstvenu zaštitu sportista

Sredstva naznačena u tački 1. utvrđuju se iz fonda za podsticajna sredstva takmičarskog sporta, a sredstva naznačena u tačkama 2. 3. 4. i 5. utvrđuju se iz fonda za podsticajna sredstva sportske rekreacije i masovnog sporta.

### **III – RASPODJELA SREDSTAVA KORISNICIMA**

#### **Član 7.**

Pravo na učešće u raspodjeli sredstava po ovom Pravilniku imaju svi klubovi udruženja i sportska društva, članice Sportskog saveza općine Bos. Krupa, koja djeluju na području općine Bosanska Krupa, a registrirana su i vode se u službenoj evidenciji u Ministarstvu pravosuđa i uprave USK i djeluju u skladu sa Zakonom o sportu USK, FBiH i BiH i pridržavaju se Zakona o udruženjima i fondacijama F BiH i odredbi ovog Pravilnika.

#### **Član 8.**

Sportska organizacija (sportski klub, društvo i udruženje) da bi svojim programom rada i finansijskim planom mogli da konkurišu za finansijska sredstva Sportskog saveza općine Bos. Krupa namijenjena za sufinansiranje oblasti sporta općine moraju da ispunjavaju sljedeće opće i posebne kriterije na osnovu kojih se vrši raspodjela sredstava.

#### **Opći kriteriji**

1. Da je sportsko udruženje zvanično registrovano u Ministarstvu pravosuđa i uprave USK, da ima otvoren žiro-račun u jednoj od banaka i da je ugovorom verifikovan kao članica Sportskog saveza općine Bos. Krupa.
2. Da je sportsko udruženje u propisanom i zahtijevanom roku dostavilo u pismenoj formi svoj godišnji program-plan rada, finansijski plan, izvještaj o radu, završni godišnji račun (AFIP), izvod iz zapisnika sa održane skupštine društva koja je usvojila izvještaj i plan rada.
3. Da u skladu sa statutom i drugim aktima imaju konstituisane skupštinske organe kluba (predsjednik i zamjenik predsjednika kluba, upravni odbor kluba i dr.) koji donose program rada sa takmičarskim kalendarom svih kategorija (seniori, juniori, pioniri i kadeti), finansijski plan prihoda i rashoda za takmičarsku sezonu (1 godina dana) koje svake godine dostavlja na zahtjev Sportskom savezu općine.
4. Da se kao klub ili udruženje takmiči u sistemima sportskih takmičenja (lige i prvenstva) koje utvrđuju i organizuju viši strukovni sportski savezi po sportovima (nogometni, košarkaški, odbojkaški, rukometni, borilački, školski, invalidni, sportovi na vodi, sportska rekreacija, šah, tavla, planinarstvo, biciklizam, atletika, ekstremni sportovi, aerobik, ples, tenis i drugi sportovi).
5. Da ima minimum uslova za zadovoljavanje takmičarskih kriterija kao što su: izvorni vlastiti finansijski prihodi za rad i djelatnost, zvanično registrovan sportski objekat - teren za odigravanje prvenstvenih, kup i prijateljskih utakmica, da imaju minimum sportske opreme i

rekvizita, stručne trenere i registrovane takmičare (igrače) po uzrasnim kategorijama (seniori, juniori, kadeti i pioniri).

6. Da u svojim aktivnostima i radu posebnu pažnju, pored takmičarskih programa, pozitivno i aktivno djeluje na program zdravstvene zaštite sportista, pozitivnom vaspitanju i kulturnom ponašanju kako sportista, tako i navijača, posebno vodi brigu o suzbijanju negativnih ponašanja navijača, pojave ili upotrebe narkotika, alkohola i pušenja, kao i ostalih negativnih pojava u klubu ili široj okolini.

### **Posebni kriteriji**

Za sve oblasti i područja takmičarskog i masovnog sporta utvrđuju se posebni kriteriji koji su zajednički za većinu sportskih klubova i udruženja, a oni se razvrstavaju u četiri kategorije troškova i izdataka i to:

1. Troškovi i izdaci za klubove i udruženja koji svoje programe planiraju i realizuju putem ligaških takmičenja, a pripadaju grupaciji ekipnih sportova (nogomet, košarka, odbojka, rukomet i drugi sportovi). Zajednički troškovi za ovu kategoriju su troškovi uplata takmičarskih kotizacija, troškovi putovanja ekipa na gostovanja, troškovi odigravanja utakmica kao domaćini, troškovi stručnog usavršavanja trenera, zdravstveni pregledi igrača, troškovi održavanja i opremanja sportskih objekata i terena i sl.
2. Troškovi i izdaci za klubove i udruženja koji svoje programe realizuju kalendarima takmičenja u pojedinačnoj i ekipnoj konkurenciji, koje utvrđuju i donose strukovni sportski savezi po sportovima. To su sportska takmičenja i prvenstva koja se organizuju turnirskim načinom za jedan ili više dana. Ova kategorija klubova i udruženja pripada grupaciji mješovitih ili pojedinačnih sportova i tu pripadaju klubovi borilačkih sportova, školskog sporta, invalidnog sporta, sportski ribolov i drugih sportova na vodi, ekstremnih sportova, biciklizam, šah, tavlja, sportski ples i drugi.
3. Troškovi i izdaci za ostale klubove i udruženja koji svoje programe i kalendare takmičenja realizuju u okviru sportske rekreacije građana i omladine te ostalih programa i projekata masovnog sporta (sportske škole, časovi sportske rekreacije i treninga, razna sportska takmičenja i turniri i sl.). To su klubovi iz sportova kao što su: planinarstvo, auto-moto sport, tenis, sportovi na vodi i pod vodom, ekstremni sportovi, misaone igre, aerobik, kros trčanja u prirodi i drugi rekreativni sportovi.
4. Kategorija stimulativnih dodataka i naknada klubovima i udruženjima. Kao posebna kategorija raspodjele sredstava klubovima i udruženjima za njihov uspješan rad ili sportska takmičenja utvrđuju se stimulativni elementi kao što su:
  - Za postignute sportske rezultate u ekipnim i pojedinačnim sportovima i takmičenjima na višim nivoima (državna prvenstva, savezne lige i međunarodna takmičenja).
  - Za masovnost u organizaciji rada kluba (broj sportskih sekcija prema uzrastima i polovima, broj aktivnih sportista i ukupan broj članova kluba ili udruženja).
  - Doprinos reprezentativnim selekcijama BiH.
  - Učešća u kvalifikacijama za prelazak ekipa u više rangove takmičenja.

Za sve gore navedene kategorije troškova i izdataka utvrđuju se posebni parametri koji se razrađuju Odlukom o dodatnim kriterijima raspodjele sredstava sporta za plansku godinu.

### **Član 9.**

Korisnici sredstava Sportskog saveza općine su obavezni prethodno da dostave Zahtjeve sa svojim programima rada i finansijske planove za plansku godinu, kao i druge dokumente koje zahtijeva Sportski savez općine.

Ukupna sredstva utvrđena finansijskim planom raspoređuju se korisnicima u 12 jednakih rata ili tromjesečno:

- za djelatnost organa Saveza i Stručne službe Saveza (bruto plaće i naknade zaposlenika i materijalni izdaci),
- za sportske organizacije takmičarskog sporta općine, školskog sporta i invalidnog sporta.

Za korisnike koji pripadaju ostalim sportskim područjima kao što su klubovi i udruženja nosioci programa sportske rekreacije građana i omladine, organizovanja tradicionalnih sportskih manifestacija i takmičenja, učešća na internacionalnim sportskim takmičenjima i turnirima i drugih, dodjeljuju se i

raspoređuju kvartalno ili kao podsticajna sredstva uz donošenje posebnih odluka Upravnog odbora Saveza.

Dinamika prenosa sredstava korisnicima mjesečno ili kvartalno zavisiće od priliva sredstava od Budžeta općine i SS USK.

Ukoliko se utvrdi da neka od korisnika sredstava saveza nije na vrijeme tj. u traženom roku dostavila tražene podatke ( član 8. Opći kriteriji), Upravni odbor Saveza neće istog ni razmatrati niti se može uvrstiti u prijedlog finansiranja u tekućoj ili planskoj godini, a ako je planiran putem donošenja rebalansa finansijskog plana takvo sportsko udruženje će se brisati iz daljeg finansiranja.

#### Član 10.

Ukupni prihodi Sportskog saveza, utvrđeni godišnjim Finansijskim planom za 2020. godinu iznose 220.000 KM i raspoređuju na tri osnovna područja sporta i to:

**A - Finansiranje tekućih izdataka organa Sportskog saveza općine Bos. Krupa 33.000**  
(Skupština, Upravni odbor, Stručna služba, komisije i odbori)

1. Tekući izdaci organa Skupštine Saveza (Upravni odbor i komisije),
2. Tekući izdaci za bruto plaće i naknade zaposlenika Stručne službe Saveza,
3. Tekući izdaci za troškove nabavke kancelarijskog materijala, opreme i rekvizita te korištenje raznih usluga (knjigovodstvo, struja, voda, pošta, telefon, banke, čišćenje i sl.).

Sredstva za sufinansiranje tekućih izdataka organa Sportskog saveza i Stručne službe obezbjeđuju se Finansijskim planom Saveza od sredstava izvornih prihoda Budžeta općine Bos. Krupa i Sportskog saveza USK.

**B - Tekuća rezerva i neplanirane obaveze 2.200**

Izdvojena sredstva u rezervni fond Sportskog saveza općine Bos. Krupa planiraju se godišnjim Finansijskim planom. Ovim sredstvima raspolaže i odlučuje predsjednik Saveza donošenjem posebnih zaključaka o raspodjeli korisnicima za vanredne troškove i aktivnosti Saveza i njegovih organa. Suglasnost na donesene odluke i zaključke predsjednika Saveza daje Upravni odbor Saveza.

**C - Izdaci za sufinansiranje razvoja oblasti sporta općine Bosanska Krupa 184.800**

Za razvoj oblasti sporta općine Bos. Krupa planiraju se izdaci za sufinansiranje programa sportskih organizacija (klubova, društava i udruženja) iz oblasti takmičarskog sporta mladih, sportske rekreacije, školskog, invalidnog i ostalih sportova utvrđenih u članovima 53. 54. i 55. Zakona o sportu USK.

Finansijskim planom Saveza sredstva u oblasti sporta raspoređuju se korisnicima iz dva fonda i to:

- Fond za podsticajna sredstva takmičarskog sporta,
- Fond za podsticajna sredstva sportske rekreacije i masovnog sporta

Analitička razrada sufinansiranja oblasti sporta dijeli se na osnovna područja i to:

**1. Iz Fonda za podsticajna sredstva takmičarskog sporta sredstva u iznosu od 135.300 raspoređuju se po sportovima i to:**

- a. Klubovima i udruženjima loptačkih sportova
- b. Klubovima i udruženjima borilačkih sportova
- c. Klubovima i udruženjima ostalih sportova
- d. Udruženjima invalidnog sporta
- e. Udruženjima školskog sporta

Ovim Pravilnikom raspodjela sredstava korisnicima, a to su sportski klubovi i udruženja vrši se u skladu sa Odlukom o dodatnim kriterijima raspodjele sredstava za tekuću plansku godinu.

Sredstva za sufinansiranje fonda za podsticajna sredstva takmičarskog sporta obezbjeđuju se iz Budžeta općine Bos. Krupa i dijelom iz Budžeta Sportskog saveza USK.

**2. Iz Fonda za podsticajna sredstva sportske rekreacije i masovnog sporta sredstva od 49.500 se raspoređuju:**

- a. Za udruženja i klubove sportske rekreacije i masovnog sporta
- b. Za programe i projekte tradicionalnih sportskih manifestacija i takmičenja
- c. Podsticajna sredstva za sportsku infrastrukturu, opremu i rekvizite,

- d. Podsticajna sredstva za vrhunski – reprezentativni sport i stručno usavršavanje kadrova
- e. Podsticajna sredstva za zdravstvenu zaštitu sportista.

Sredstva za sufinansiranje Fonda sportske rekreacije i masovnog sporta obezbjeđuju se iz Budžeta SS USK, dijelom iz Budžeta općine Bos. Krupa i ostalih prihoda Saveza.

#### Član 11.

Sportski klubovi i udruženja moraju da konkurišu na ova planirana sredstva iz Fonda sportske rekreacije i masovnog sporta podnošenjem pismenog zahtjeva i razrađenih sportskih projekata (programi i projekti tradicionalnih sportskih manifestacija i takmičenja, sportsko-rekreativni programi, učešća na sportskim takmičenjima i manifestacijama i sl.), koje razmatra Upravni odbor Saveza donošenjem odluka o odobrenim sredstvima pojedinačno za svakog korisnika ili namjenu.

### IV - DOKUMENTACIJA I IZVJEŠTAVANJE:

#### Član 12.

Svi Klubovi i Udruženja su dužni dostaviti urednu dokumentaciju pri podnošenju zahtjeva za sredstvima.

#### Član 13.

Klubovi i Udruženja su dužna dostaviti izjavu od strane odgovornih lica iz strukovnih saveza o rang u kom se takmiče, broju članova i ostalu potrebnu dokumentaciju.

#### Član 14.

Klubovi i Udruženja koji ne dostave traženu dokumentaciju i podatke u traženom roku neće moći učestvovati u raspodjeli sredstava iz ovog Pravilnika.

#### Član 15.

Na osnovu kriterija utvrđenih ovim Pravilnikom i Odlukom o dodatnim kriterijima raspodjele sredstava korisnicima, na prijedlog Finansijske komisije Upravni odbor Sportskog saveza općine Bos. Krupa donosi godišnji Finansijski plan za koji suglasnost daje Skupština Sportskog saveza općine Bos. Krupa.

Nakon usvajanja Finansijskog plana isti se dostavlja višim organima (općinski načelnik, Općinsko vijeće i Sportski savez USK) na znanje i uvid.

#### Član 16.

Odluke o prioritetima usmjeravanja sredstava korisnicima u skladu sa Finansijskim planom Saveza donosi Upravni odbor, a realizaciju provodi Stručna služba Saveza prema dinamici priliva sredstava.

Prema utvrđenim prioritetima za prvu grupu korisnika sredstva se usmjeravaju:

- za isplate plaća i naknada radnika Stručne službe Saveza, plaćanja faktura za izvršene usluge Saveza,
- za korisnike druge grupe sredstva se usmjeravaju za transakcije sredstava sportskim organizacijama u takmičarskom sportu, školskom sportu, invalidnom sportu (sportski klubovi, društva i udruženja u takmičarskim ligama i prvenstvima),
- za korisnike treće grupe sredstva se usmjeravaju za troškove tradicionalnih sportskih manifestacija i takmičenja i za sportsku rekreaciju građana (sportski klubovi, društva i udruženja nosioci programa i projekata)
- za korisnike četvrte grupe sredstva se usmjeravaju za troškove vrhunskog-reprezentativnog sporta i za sportsku infrastrukturu, opremu i rekvizite.

#### Član 17.

Novoosnovane sportske organizacije koje se odlukom Sportskog saveza primaju u članstvo kao pridruženi član Saveza, uvrštavaju se u redovno finansiranje nakon jednogodišnjeg praćenja rada i aktivnosti navedenih organizacija od strane Upravnog odbora Saveza.

Izvršenje plana zavisi od realizacije utvrđenih i planiranih izvornih i drugih prihoda iz Budžeta općine Bos. Krupa i Sportskog saveza USK. Kod neizvršenja planiranih i utvrđenih izvornih prihoda ili kod vanrednog povećanja prihoda u toku planske godine Upravni odbor Saveza po obračunskim periodima donosi Rebalans Finansijskog plana Saveza za tekuću godinu.

#### Član 18.

Korisnici sredstava za sport dužni su pravdati utrošena sredstva sukladno sa usklađenim finansijskim planovima. Ukoliko korisnici ne pravdaju sredstva ista su na propisan način dužna vratiti i neće biti u mogućnosti ubuduće konkurisati za sredstva namijenjena sportu ovog Pravilnika.

Kontrolu utška sredstava vršit će Financijska komisija Sportskog saveza općine Bosanska Krupa.

### **V - PRELAZNE I ZAVRŠNE ODREDBE**

#### Član 19.

Pravo tumačenja Pravilnika daje se Statutarno-pravnoj komisiji, Upravnom odboru i Skupštini Saveza.

Pravilnik stupa na snagu danom njegovog usvajanja, a o njegovom izvršenju staraće se Upravni odbor i predsjednik Saveza.

Donošenjem ovog Pravilnika prestaje da važi Pravilnik o raspodjeli sredstava sporta za 2019. godinu (broj: 02-17/19 od 21.02.2019.g).

Broj: 02-15/20

Bos. Krupa, 10.02.2020.g.

Predsjednik,

Halkić Tarik